



Број/Број: 01/a-50-1- 15-76/10
Сарајево/Sarajevo, 21. априла 2010.

DOM NARODA
PARLAMENTARNE SKUPŠTINE
BOSNE I HERCEGOVINE

PREDMET: O b a v j e š t e n j e

Predstavnički dom Parlamentarne skupštine BiH je, na 76. sjednici, održanoj 21. aprila. 2010., razmatrao materijale koji su u nadležnosti i Doma naroda, o čemu vas obavještavamo kako slijedi:

1. Zahtjev Vijeća ministara BiH za razmatranje Prijedloga zakona o usvajanju Zakona o izmjenama i dopunama Zakona o Sudu Bosne i Hercegovine po hitnom postupku, u skladu s članom 127. Poslovnika (zakon broj: 01,02-02-5-29/10, od 15.4. 2010.);
2. Zahtjev Vijeća ministara BiH za razmatranje Prijedloga zakona o usvajanju Zakona o izmjenama i dopunama Zakona o Tužilaštvu Bosne i Hercegovine po hitnom postupku, u skladu s članom 127. Poslovnika (zakon broj: 01,02-02-5-30/10, od 15.4. 2010.);
3. Prijedlog zakona o izmjenama i dopunama Zakona o finansiranju političkih stranaka, predlagači: poslanici Milorad Živković, Niko Lozančić i Šefik Džaferović, zakon broj: 01 – 02 – 4 – 25/10, od 24. 3. 2010. (prvo čitanje)
4. Godišnji izvještaj Centralne banke BiH za 2009. godinu (materijal broj: 01 – 16 – 1 – 511/10, od 1.4. 2010.),
5. Finansijski izvještaji Centralne banke BiH za 2009. godinu (materijal broj: 01 – 16 – 1 – 510/10, od 31. 3. 2010.),
6. Izvještaj o radu i poslovanju Radio-televizije Bosne i Hercegovine za 2009. godinu (podnosilac: Upravni odbor Radio-televizije BiH, broj: 01, 02 – 50 – 3 – 506/10., od 30. 3. 2010.,
7. Izvještaj o radu Pravobranilaštva BiH za period od 1. 1. 2009. do 31. 12. 2009. (materijal broj: 01, 02 – 10 – 473/10, od 22. 3. 2010.),
8. Izvještaj o radu Agencije za poštanski saobraćaj BiH i finansijski izvještaj za 2009. godinu (materijal broj: 01, 02 – 29 – 464/10, od 19. 3. 2010.),
9. Izvještaj o radu stalnih zajedničkih komisija oba doma za 2009. godinu:
 - Zajedničke komisije za odbranu i sigurnost BiH,
 - Zajedničke komisije za nadzor nad radom Obavještajno-sigurnosne agencije BiH,
 - Zajedničke komisije za ekonomske reforme i razvoj,
 - Zajedničke komisije za administrativne poslove,
 - Zajedničke komisije za evropske integracije,
 - Zajedničke komisije za ljudska prava, prava djeteta, mlade, imigraciju, izbjeglice, azil i etiku,
10. Izvještaj o radu Istražne komisije za provjeru navoda o raspodjeli CEMT dozvola, u Ministarstvu komunikacija i prometa BiH (materijal broj:01-50-293-8/10, od 7.4.2010.)
11. Imenovanje pet članova Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud BiH, strani sudovi za djela predviđena Krivičnim zakonom BiH ili međunarodnim ugovorom čiji je potpisnik BiH ili drugi sud u skladu sa zakonom BiH (prijedlog liste kandidata Privremene zajedničke komisije oba doma, od 30.3.2010.),

12. Imenovanje vršioca dužnosti direktora Agencije za prevenciju korupcije i koordinaciju borbe protiv korupcije (po zaključku Predstavničkog doma sa 75. sjednice, održane 7.4.2010.),
13. Imenovanje tri člana iz Predstavničkog doma u Zajedničku komisiju oba doma za usaglašavanje teksta Zakona o radnom vremenu, obaveznim odmorima mobilnih radnika i uređajima za evidentiranje u drumskom prijevozu,
14. Imenovanje tri člana iz Predstavničkog doma u Zajedničku komisiju oba doma za usaglašavanje teksta Zakona o izmjenama i dopunama Zakona o politici direktnih stranih ulaganja u Bosni i Hercegovini,
15. Imenovanje tri člana iz Predstavničkog doma u Zajedničku komisiju oba doma za usaglašavanje teksta Zakona o protuminskom djelovanju u Bosni i Hercegovini,
16. Imenovanje tri člana iz Predstavničkog doma u Zajedničku komisiju oba doma za usaglašavanje teksta Zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini,
17. Davanje saglasnosti za ratifikaciju:
 - a) Sporazuma o finansiranju između Bosne i Hercegovine i Komisije Evropskih zajednica u vezi s višekorisničkim programom 2B, za projekte koji zahtijevaju Sporazum o finansiranju u okviru Instrumenata za pretpristupnu pomoć u 2008. godini,
 - b) Sporazuma između Bosne i Hercegovine i Republike Hrvatske o izmjenama Sporazuma o međusobnom izvršenju sudskih odluka u krivičnim stvarima.

Ad.1.

Predstavnički dom *nije usvojio* Zahtjev Vijeća ministara BiH, tako da ostaje na snazi Zakon o izmjenama i dopunama Zakona o Sudu Bosne i Hercegovine, koji je na privremenoj osnovi proglasio visoki predstavnik i specijalni predstavnik EU za BiH.

Ad.2.

Predstavnički dom *nije usvojio* Zahtjev Vijeća ministara BiH, tako da ostaje na snazi Zakon o izmjenama i dopunama Zakona o Tužilaštvu Bosne i Hercegovine, koji je na privremenoj osnovi proglasio visoki predstavnik i specijalni predstavnik EU za BiH.

Ad.3.

Dom *je usvojio* u prvom čitanju Prijedlog zakona o izmjenama i dopunama Zakona o finansiranju političkih stranaka.

Ad.4.

Predstavnički dom *usvojio je* Godišnji izvještaj Centralne banke BiH za 2009.godinu.

Ad.5.

Predstavnički dom *usvojio je* finansijske izvještaje Centralne banke BiH za 2009.godinu.

Ad.6.

Predstavnički dom *usvojio je* Izvještaj o radu i poslovanju Radio-televizije Bosne i Hercegovine za 2009. godinu, s Mišljenjem Komisije za saobraćaj i komunikacije i zaključkom sadržanim u njemu koji glasi:

„Predstavnički dom Parlamentarne skupštine BiH apelira na sve odgovorne na svim nivoima vlasti da poštuju zaključke Predstavničkog doma koji se odnose na sistem javnog emitiranja u Bosni i Hercegovini.“

Ad.7.

Predstavnički dom *usvojio je* Izvještaj o radu Pravobranilaštva BiH za period od 1. 1. 2009. do 31. 12. 2009.

Ad.8.

Predstavnički dom *usvojio je* Izvještaj o radu Agencije za poštanski saobraćaj BiH i finansijski izvještaj za 2009.godinu.

Ad.9.

Predstavnički dom *usvojio je* izvještaje o radu stalnih zajedničkih komisija oba doma za 2009. godinu.

Ad.10.

Predstavnički dom *usvojio je* Izvještaj o radu Istražne komisije za provjeru navoda o raspodjeli CEMT dozvola u Ministarstvu komunikacija i prometa BiH sa zaključcima sadržanim u njemu koji glase:

1. **Predstavnički dom Parlamentarne skupštine BiH traži od Ministarstva komunikacija i prometa BiH da osnuje radnu grupu u kojoj bi bili eksperti iz oblasti međunarodnog drumskog prijevoza, sa zadatkom da izvrše analizu postojećeg stanja u primjeni Pravilnika o kriterijima, postupku i načinu raspodjele stranih dozvola za prijevoz tereta domaćim prijevoznicima („Sl. glasnik BiH“, broj 35/02) i da na osnovu toga bude sačinjen prijedlog izmjena i dopuna Pravilnika.**
2. **Predstavnički dom Parlamentarne skupštine BiH traži od Ministarstva komunikacija i prometa BiH da ubuduće dostavlja Komisiji za saobraćaj i komunikacije Predstavničkog doma detaljan godišnji izvještaj o radu Komisije za raspodjelu CEMT dozvola, kao i šestomjesečni izvještaj o izdatim zamjenskim CEMT dozvolama.**

Ad.11.

Predstavnički dom *imenovao je* pet članova Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud BiH, strani sudovi za djela predviđena Krivičnim zakonom BiH ili međunarodnim ugovorom čiji je potpisnik BiH ili drugi sud u skladu sa zakonom BiH. Članovi su:

1. Mile Lasić
2. Semiha Borovac
3. Predrag Crnogorac
4. Damir Čačković
5. Milana Škipina

Ad.12.

Predstavnički dom *imenovao je* zamjenika ministra sigurnosti BiH Miju Krešića za vršioca dužnosti direktora Agencije za prevenciju korupcije i koordinaciju borbe protiv korupcije. Usvojeni su zaključci koji glase:

1. **Predstavnički dom Parlamentarne skupštine BiH zadužuje zamjenika ministra sigurnosti BiH Miju Krešića da obavlja dužnost vršioca dužnosti direktora Agencije za prevenciju korupcije i koordinaciju borbe protiv korupcije do izbora direktora Agencije na osnovu Zakona o Agenciji za prevenciju korupcije i koordinaciju borbe protiv korupcije („Službeni glasnik BiH“, broj 103/09) a najdalje do 1. 8. 2010.**
2. **Predstavnički dom istovremeno zahtijeva od Centralne izborne komisije BiH da se odredi o eventulanoj postojanosti sukoba interesa u obavljanju dužnosti vršioca dužnosti direktora Agencije za prevenciju korupcije i koordinaciju borbe protiv korupcije.**

Ad.13.

Predstavnički dom *imenovao je*: Branka Dokića, Adema Huskića i Martina Raguža u Zajedničku komisiju oba doma za usaglašavanje teksta Zakona o radnom vremenu, obaveznim odmorima mobilnih radnika i uređajima za evidentiranje u drumskom prijevozu.

Ad.14.

Predstavnički dom *imenovao je*: Mehmeda Suljkanovića, Velimira Jukića i Slavka Jovičića u Zajedničku komisiju oba doma za usaglašavanje teksta Zakona o izmjenama i dopunama Zakona o politici direktnih stranih ulaganja u Bosni i Hercegovini.

Ad.15.

Predstavnički dom *imenovao je*: Lejlu Klokić, Niku Lozančića i Milorada Živkovića u Zajedničku komisiju oba doma za usaglašavanje teksta Zakona o protuminskom djelovanju u Bosni i Hercegovini.

Ad.16.

Predstavnički dom *imenovao je*: Branka Dokića, Adema Huskića i Martina Raguža u Zajedničku komisiju oba doma za usaglašavanje teksta Zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini.

Ad.17.

Predstavnički dom dao je saglasnost za ratifikaciju:

- a) Sporazuma o finansiranju između Bosne i Hercegovine i Komisije Evropskih zajednica u vezi s višekorisničkim programom 2B, za projekte koji zahtijevaju Sporazum o finansiranju u okviru Instrumenata za pretpristupnu pomoć u 2008. godini,
- b) Sporazuma između Bosne i Hercegovine i Republike Hrvatske o izmjenama Sporazuma o međusobnom izvršenju sudskih odluka u krivičnim stvarima.

PREDSJEDAVAJUĆI
PREDSTAVNIČKOG DOMA
dr. Milorad Živković